

«ТАСДИҚЛАНГАН»
«Дехқонобод калий заводи» акциядорлик
жамияти
(эмитентнинг номи)

ягона акциядори «Ўзкимёсанот»
акциядорлик жамияти бошқарув раиси
Ж.Т.Мирзамахмудов



(ваколатли шахснинг Ф.И.О. ва имзоси)

2021 йил «30» январь

М.Ў.

«РЎЙХАТДАН ЎТКАЗИЛГАН»
Капитал бозорини ривожлантириш Агентлиги
Қашқадарё вилояти ҳудудий бошқармаси
(рўйхатдан ўтказувчи органнинг номи)

Ҳудудий бошқарма бошлиғи С.З.Рўзиқулов



(рўйхатдан ўтказувчи орган ваколатли шахснинг лавозими, Ф.И.Ш., имзо)

2021 йил «11» март 10-0290-2 -СОН
(сана)

М.Ў.

АКЦИЯЛАР ҚЎШИМЧА ЧИҚАРИЛИШИ ТЎҒРИСИДАГИ ҚАРОР
«Дехқонобод калий заводи» акциядорлик жамияти
(эмитентнинг тўлиқ номи кўрсатилади)

Идентификация рақами берилди:

R U 1 0 2 0 0 2 9 0 T 4

Эгасининг номи ёзилган оддий ҳужжатсиз шаклдаги 5 571 041 156 (беш миллиард беш юз етмиш бир миллион қирқ бир минг бир юз эллик олти) дона акциялар номинал қиймати 1 (бир) сўм.
(акциялар тури ва сони, уларни чиқариш шакли, номинал қиймати кўрсатилади)

Акциялар ёпиқ обуна йўли билан жойлаштирилади.
(акцияларни жойлаштириш усули кўрсатилади)

Акцияларнинг ушбу чиқарилиши иккинчи чиқарилишдир.
(чиқарилишнинг тартиб рақами)

Тасдиқланган: «Дехқонобод калий заводи» акциядорлик жамияти ягона акциядорининг 2021 йил «30» январдаги Қарори билан
(эмитентнинг акциялар чиқарилиши тўғрисидаги қарорини тасдиқлаган органи кўрсатилади)

«Дехқонобод калий заводи» акциядорлик жамияти ягона акциядорининг 2021 йил «30» январдаги Қарори асосида.
(эмитентнинг акциялар чиқарилиши тўғрисидаги қарорни қабул қилган органи кўрсатилади)

Эмитентнинг жойлашган жойи, почта манзили, мулоқот телефонлари ва электрон почта манзили – 180405, Ўзбекистон Республикаси, Қашқадарё вилояти, Дехқонобод тумани.
Телефон: (+998 75) 612-50-05, электрон почта манзили – info@uz-potash.uz

Эмитентнинг раҳбари:

Курбонов Ойбек Абдусатторович

(Ф.И.Ш., имзо)

Бош бухгалтер:

Жумаев Самариддин Зиядуллаевич

(Ф.И.Ш., имзо)



Мухр

Сана: 2021 йил «30» январь

1. Ушбу чиқарилишдаги эгасининг номи ёзилган акциялар тури – оддий.
2. Ушбу акциялар чиқарилишининг шакли – хужжатсиз.
3. Ушбу чиқарилишдаги акцияларнинг номинал қиймати – 1 (бир) сўм.
4. Ушбу чиқарилишдаги акцияларнинг сони – 5 571 041 156 (беш миллиард беш юз етмиш бир миллион қирқ бир минг бир юз эллик олти) дона.
5. Ушбу чиқарилишнинг умумий ҳажми - 5 571 041 156 (беш миллиард беш юз етмиш бир миллион қирқ бир минг бир юз эллик олти) сўм.
6. Ушбу чиқарилишдаги акциялар эгаларининг ҳуқуқлари – Жамиятнинг акциялари эгаси қўйидаги ҳуқуқларга эга:
 - Жамиятнинг акциядорлари реестрига киритилиш;
 - ўзига таалукли депо ҳисобварағидан кўчирма олиш;
 - Жамият фойдасининг бир қисмини дивидендлар тарзида олиш;
 - Жамият тугатилган тақдирда ўзларига тегишли улушга мувофиқ мол – мулкнинг бир қисмини олиш;
 - акциядорларнинг умумий йиғилишларида овоз бериш орқали Жамиятни бошқаришда иштирок этиш;
 - Жамиятнинг молия – хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;
 - олган дивидендини эркин тасарруф этиш;
 - қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;
 - ўзига етказилган зарарнинг ўрни қопланишини белгиланган тартибда талаб қилиш;
 - ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
 - қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;
 - ўзга акциядорларнинг розилигисиз ўзига тегишли акцияларни учинчи шахсларга бегоналаштириш билан боғлиқ битимларни амалга ошириш;
 - Жамият акциялари берадиган ҳуқуқларни (ҳуқуқларнинг бир қисмини) қонунчиликда белгиланган тартибда ишончнома асосида ўз вакилига (вакилларига) бериш.
 - Ўзбекистон Республикаси қонунчилиги ва Жамият устави билан белгиланган бошқа ҳуқуқлар.
7. Ушбу чиқарилишдаги акцияларни олинишига нисбатан жамият уставидаги ва/ёки чиқарилиш тўғрисидаги қарордаги ҳар қандай чеклашлар – Ушбу чиқарилишдаги акцияларни олинишига нисбатан Жамият уставида чеклашлар мавжуд эмас.
Жамият устав капитали ўз капитали ҳисобидан кўпайтирилаётганлиги муносабати билан ушбу чиқарилишдаги акциялар ёпиқ обуна орқали Жамиятнинг ягона акциядорига жойлаштирилади.
8. Жамият устав капиталининг миқдори – 691 467 965 251 (олти юз тўқсон бир миллиард тўрт юз олтмиш етти миллион тўққиз юз олтмиш беш минг икки юз эллик бир) сўм.
9. Илгари жойлаштирилган акциялар сони (турлари бўйича тақсимланган ҳолда кўрсатилади) – 691 467 965 251 (олти юз тўқсон бир миллиард тўрт юз олтмиш етти миллион тўққиз юз олтмиш беш минг икки юз эллик бир) дона хужжатсиз шаклдаги эгасининг номи ёзилган оддий акциялар.
10. Илгари жойлаштирилган облигациялар сони (турлари ва кўринишлари бўйича тақсимланган ҳолда кўрсатилади) – Жамият томонидан илгари облигациялар чиқарилмаган.
11. Ушбу чиқарилишдаги акциялар жойлаштирилишининг шартлари ва тартиби.
11.1. Ушбу чиқарилишдаги акциялар жойлаштирилишининг усули (очик ёки ёпиқ обуна):
(Ёпиқ обуна бўлган тақдирда, шунингдек, акцияларни потенциал олувчилар доираси ҳам кўрсатилади).
Ушбу чиқарилишдаги акциялар 2021 йил «26» январь ҳолатига шакллантирилган «Дехқонобод калий заводи» акциядорлик жамияти акциядорлари реестрида рўйхатга олинган ягона акциядор – «Ўзкимёсаноат» акциядорлик жамиятига ёпиқ обуна усулида жойлаштирилади.

11.2. Ушбу чиқарилишдаги акциялар жойлаштирилишининг муддати:

(Кўрсатилади: акцияларни жойлаштирилишини бошлаш санаси ва тугатиш санаси ёки акцияларни жойлаштирилиш муддатини белгилаш тартиби. Агар акцияларни жойлаштирилиш муддати акцияларни чиқарилиши тўғрисидаги бирон-бир ахборотни ошкор қилиш санасини кўрсатган ҳолда белгиланса, шунингдек, бундай ахборотни ошкор қилиш тартиби ҳам кўрсатилади.)

Ушбу чиқарилишдаги акцияларни жойлаштирилиш қўшимча акциялар чиқарилиши тўғрисидаги қарор давлат рўйхатидан ўтказилган кундан бошлаб 30 кундан кечиктирмасдан амалга оширилади.

Акцияларни жойлаштирилиш бошлаш санаси – Акцияларнинг чиқарилиши тўғрисидаги қарор давлат рўйхатидан ўтказилган сана.

Акцияларни жойлаштирилиш тугатиш санаси – Мазкур чиқарилишнинг сўнгги акцияси жойлаштирилган сана, бироқ давлат рўйхатига олинган санадан бошлаб 30 кундан ошмаслиги лозим.

11.3. Ушбу чиқарилишдаги акциялар жойлаштирилишининг тартиби:

(Кўрсатилади: акциялар жойлаштирилишининг боришида фуқаролик-ҳуқуқий битимлар тузилишининг тартиби ва шартлари, жойлаштирилиш амалга ошириладиган бозорлар.

Агар эмитент томонидан акцияларни жойлаштирилиш эмитентга акцияларни жойлаштирилиш бўйича хизматлар кўрсатувчи қимматли қоғозлар бозори профессионал иштирокчиларини (андеррайтерлар) жалб қилиш билан амалга оширилса, ҳар бир бундай шахс юзасидан қўшимча равишда қуйидагилар кўрсатилади:

тўлиқ ва қисқартirilган фирма номлари, жойлашган жойи;

профессионал фаолиятни амалга оширишга доир лицензиянинг рақами, берилган санаси ва амал қилиш муддати, кўрсатилган лицензияни берган орган;

ушбу шахснинг асосий вазифалари, агарда эмитент ва унга қимматли қоғозларни жойлаштирилиш бўйича хизматлар кўрсатувчи шахс ўртасидаги шартномада шу каби шартнома билан белгиланган муддатларда жойлаштирилмаган акцияларни охиригиси томонидан ўз ҳисобидан олиниши назарда тутилган бўлса, шунингдек, ушбу муддат ва уни белгилаш тартиби.)

Акциялар ёпиқ обуна усулида «Дехқонобод калий заводи» акциядорлик жамияти ягона акциядори - «Ўзкимёсаноат» акциядорлик жамиятига жойлаштирилади.

Акцияларни жойлаштирилиш қимматли қоғозларнинг ташкиллаштирилмаган биржадан ташқари бозорида акцияларни олди-сотди битимлари тузилмасдан амалга оширилади.

Акциялар жойлаштирилиши жараёнида андеррайтерлар жалб қилиниши кўзда тутилмаган.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

Жамият акцияларига бўлган ҳуқуқларни ҳисобга олиш, «Қимматли қоғозлар Марказий депозитарийси» давлат корхонаси томонидан амалга оширилади.

Марказий депозитарий ҳақида маълумот:

Номи – «Қимматли қоғозлар Марказий депозитарийси» давлат корхонаси;

Жойлашган жойи ва почта манзили – 100170, Тошкент шаҳри, Мирзо-Улуғбек тумани, Мустақиллик шох кўчаси 107-уй;

Телефон – 71 267-37-42, Факс: 71 267-36-42.

11.5. Ушбу чиқарилишдаги жойлаштириладиган акцияларни олишга бўлган имтиёзли ҳуқуқни амалга ошириш тартиби:

(Жойлаштириладиган акцияларни олишга бўлган имтиёзли ҳуқуқ тақдим этилган тақдирда қуйидагилар кўрсатилади:

бундай имтиёзли ҳуқуққа эга шахсларнинг рўйхати тузилган сана (санани белгилаш тартиби);

жойлаштириладиган акцияларни олишга бўлган имтиёзли ҳуқуқни амалга ошириш эҳтимоли тўғрисида билдириш тартиби;

жойлаштириладиган акцияларни олишга бўлган имтиёзли ҳуқуқни амалга ошириш тартиби.)

Ушбу чиқарилишдаги жойлаштириладиган акцияларни олишга бўлган имтиёзли ҳуқуқдан фойдаланиш кўзда тутилмаган.

11.6. Ушбу чиқарилишдаги акциялар баҳоси (баҳолари) ёки жойлаштирилиш баҳосини белгилаш тартиби:

(акциялар баҳоси (баҳолари) ёки жойлаштирилиш баҳосини белгилаш тартиби кўрсатилади.

Агар акцияларни жойлаштирилишда акцияларни олишга бўлган имтиёзли ҳуқуқ тақдим этилса, қўшимча равишда бундай имтиёзли ҳуқуққа эга шахсларга баҳо ёки жойлаштирилиш баҳосини белгилаш тартиби кўрсатилади.)

Ушбу чиқарилишдаги акцияларга Жамиятнинг ўз капитали ҳисобидан ҳақ тўланаётганлиги сабабли акциялар номинал қийматида, яъни 1 сўмдан жойлаштирилади.

11.7. Акцияларни тўлаш шартлари ва тартиби:

(Акцияларни тўлаш шартлари, тартиби, шу жумладан ҳисоб-китобларнинг шакли, кредит ташкилотларининг тўлиқ ва қисқартirilган фирма номлари, уларнинг жойлашган жойи, акциялар тўланишига келиб тушадиган пул воситалари кўчирилиши лозим бўлган ҳисобварақларнинг банк реквизитлари, тўлов шохобчаларининг манзили (нақд пул шаклида тўланганда).

Акциялар пул бўлмаган воситалар билан тўланган тақдирда акциялар тўланиши мумкин бўлган мол-мулк, тўлов шартлари бундай тўлов шартларида расмийлаштириладиган ҳужжатлар (мол-мулкни қабул қилиш — топшириш далолатномаси ва ҳоказо) билан, шунингдек, бундай мол-мулкнинг бозор қийматини аниқлаш учун жалб қилинадиган баҳоловчи (баҳоловчилар) тўғрисидаги қуйидаги маълумотлар кўрсатилади:

баҳоловчининг тўлиқ ва қисқартirilган фирма номлари, жойлашган жойи;

баҳолош фаолиятини амалга оширишга доир лицензиянинг рақами, берилган санаси ва лицензиянинг амал қилиш муддати, кўрсатилган лицензияни берган орган.)

Акциялар учун тўлов Жамиятнинг хусусий капитали - 2018 йил якуни бўйича олинган соф фойдасидан 42 фоиз яъни 1 459 766 280 сўм қисми, ҳамда 2019 йил якуни бўйича олинган соф фойдасидан 79 фоиз яъни 4 404 487 569 сўм қисми, жами 5 864 253 849 сўмлик маблағларидан қонунчиликда белгиланган

тартибда 293 212 692,45 сўм дивиденд солиғи ушланганидан сўнг қоладиган 5 571 041 156,55 сўм ҳисобидан амалга оширилади. Бунда 55 тийин миқдордаги қолдиқ сумма Жамиятнинг келгусидаги акциялар чиқарилувида устав фондидаги «Ўзкимёсаноат» акциядорлик жамияти улушини оширишга йўналтирилади.

11.8. Ушбу акциялар чиқарилиши амалга ошмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби – Акциялар чиқарилиши амалга ошмаган деб тан олинган тақдирда акциялар учун тўланган маблағларнинг қайтарилиши қўйидагича амалга оширилади:

«Дехқонобод калий заводи» акциядорлик жамияти томонидан ушбу ҳолат тўғрисида қонунчиликда ўрнатилган тартибда муҳим фактлар ҳақидаги маълумот оммавий ахборот воситаларида, шу жумладан корпоратив ахборот ягона порталида (www.openinfo.uz) ва Жамиятнинг расмий веб-сайтида (www.uz-potash.uz) эълон қилинади. Шунингдек, ушбу чиқарилишдаги акциялар тўловига йўналтирилган маблағлар тегишли бухгалтерия ўтказмалари орқали қонунчиликда белгиланган тартибда қайтарилади.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошқор қилиш тартиби:

Қимматли қоғозлар чиқарилиши тўғрисидаги ахборотнинг ошқор қилиниши Ўзбекистон Республикасининг қонун ҳужжатларига мувофиқ амалга оширилади.

Акциялар чиқарилиши давлат рўйхатидан ўтказилганлиги тўғрисидаги ахборот (муҳим факт) ва қонунчилик билан белгиланган бошқа маълумотлар, акциялар чиқарилиши давлат рўйхатидан ўтказилганидан сўнг қонун ҳужжатлари билан ўрнатилган муддатда оммавий ахборот воситаларида эълон қилинади. Ахборот-маълумот тизими манзили – www.uz-potash.uz, www.openinfo.uz.

Жамиятнинг қимматли қоғозлар чиқарилиши тўғрисидаги қарорининг асли билан Қашқадарё вилояти, Дехқонобод тумани, Бешбулоқ манзили бўйича жойлашган «Дехқонобод калий заводи» акциядорлик жамияти биносига, нусхаси билан эса Жамиятнинг веб-сайтида (<http://www.uz-potash.uz>) танишиш мумкин.

13. Бошқа маълумотлар.

13.1. Давлат статистика органи томонидан берилган кодлар:

Корхонанинг хос рақами КТУТ (ОКПО) – 21983917;

ХХТУТ бўйича асосий фаолият тури (ОКЭД) – 20151;

МШТ бўйича мулкчилик шакли (КФС) – 213;

Манзили бўйича МХОБТ тўлик хос рақами (СОАТО) – 1710212;

ТХШ бўйича ташкилий – ҳуқуқий шакли (КОПФ) – 2800.

13.2. Эмитент солиқ органининг номи ва СТИР:

Дехқонобод тумани Давлат солиқ инспекцияси, СТИР – 206 887 857.

«Dehqonobod kalitʻ zavodi» aksiyadorlik jamiyati
ning kimmatli korozlarni davlat dʻiyhatidan
utkazish daniyoni amalga oshirgan hujjatlari
barakda. Iltizom va muhrlanadi
Bohiarurani
O. Kurbonov

